



29. marts 2011

Inatsisartut Suleriaasianni § 37 naapertorlugu Naalackersuisunut apeqqut imaattoq matumuuna saqqummiuppara:

**Naalackersuisunut apeqqut:**

**1. Naalackersuisut Tasiilami ikuallaaviliornissartik pilersaarutigaa?**

- a) **Taamaappat, qaqugu sananeqassava?**
- b) **Taamangippat, Tasiilami eqqagalerinermut tunngatillugu Naalackersuisut sunik pilersaaruteqarpat?**

**2. Sooruna Tasiilami ikuallaaviliornissamut aningaasaliissutit Aningaasanut Inatsimmit peerneqarsimasut?**

(Inatsisartuni ilaasortaq Justus Hansen, Demokraterne)

**Tunngavilersuut:**

Tasiilami ullumikkut angisuumik ajornartorsiutaavoq eqqagassanik ikuallaasarneq, illoqarfik ikuallaaveqanngimmat. Eqqakkat ullumikkut eqqaavissuarmi ikuallanneqartarput eqqaanut akornngutaasumik pujorujussuarternera CO<sub>2</sub>-millu annertuumik aniasoqartarnera pissutalluni.

2009-mut Aningaasanut Inatsimmi Tasiilami ikuallaaviliornissamut 10 millioner koruunit aningaasaliissutaanikuungaluarput (kontu pingaarneq 75.86.22), tamanna maani tunumi nuannaajallatsitseqaaq, ikuallaavimmik pisariaqartitsineq annertoqimmat.

Ajoraluarmilli Tasiilami ikuallaaviliornissamut aningaasaliissutigineqartut 2010-mut Aningaasanut Inatsimmi peerneqarput. Tasiilami ugguartoqaqaaq piffissami sivisuumi ikuallaavik pisariaqartinneqarnikummat. Aamma ugguarnermut pissutaaqataavoq ikuallaavittaarnissap ukiorpassuarni pilersaarutaasimagaluarnera, piffissarli kingullerpaaq atorlugu tunuartinneqartarluni. Taamaattumik paaserusuppara Tasiilami ikuallaaviliornissamut aningaasaliissutit 10 millioner koruunit 2010-mut Aningaasanut Inatsimmit kiisalu ukiuni



**DEMOKRAATIT**  
DEMOKRATERNE

missigersuusiorfiusuni peerneqarnerannut suna pissutaasimangersoq. Aamma  
paasisaqarfigerusuppara Tasiilami eqqagalerinermut Naalakkersuisut sunik pilersaaruteqarnersut.

Apeqqut akeqquneqarpoq piffissarititaasut ullut qulit sulliviusut iluanni.